



三唐集韻目錄卷之二

茂苑楊爲松青冬甫著

七言律

江上

贈匡侯

旅思

旅懷寄胡公望

秋暮宿江城



采石遇盧方平

古源師夜話

偶書

寄懷

懷吳漢臣

春暮懷鄉

遣懷

秋夜送友東歸

落花

別李湘蘭

吳子葵山齋學畫

夜泊甘露寺

又

又

寄西蜀張司

雨後登虞山

有懷

山中集懷

又

寄電長舍弟

禁足

對酒

貧旅

客白下寄全之家兄

祝長邑侯金子順尊慈

吳苑聞歌

野步

懷友

長邑蘇明府言別

夜飲顧筆堆園

懷黃山書

閨思

宿江城

吳山秋望

寫懷

送龔聞園司理

贈嚴州宋子彬

江上有感

詠懷古跡

題胡子葵山居

懷家園

孔國達東歸不果

五月十二泛舟洞庭

寄翼庵和尚

題定山寺壁

旅思

送羅四之定海

江頭晚眺

野步

書李湘蘭扇頭

旅思寄林玉侯

江頭沽酒

靈岩西施石

王昭君

寄西蜀李松年

懷復庵弟

題畫

秋懷寄永齡弟

漢基張真人奉
召入都書贈

吳鍊師自鄜州歸君山

其二

懷胡去矯

中堯封感寓

金山

步月

其二

七夕鄭墨林金仲發夜話

石湖夜飲

題江寺壁

秋思寄崔山人

劉仲升出家嶺南集寄

其二

山居

家園書事

其二

寄荆南趙行璧

憶內父廢園老梅

中秋宿芙蓉江

揚州懷古

程立庵水部歸黃崗

拙政園書懷林玉侯

再呈陳匡侯都督

旅懷

茶亭僧以詩見惠依韻奉和

江干晚眺

淮上送李觀察

寄怨

重陽前二日送五叔回旗

同鄭墨林登王氏書樓望吳山分韻

寄怨

寄龍門全之家兄

治平寺松

再寄孫水部

征閩

鄉思呈張文位親家

祝秦水心司馬尊慈

祝墨林鄭伯母

祝吳瑤如刺史

祝胡子葵

祝蔣親母兼呈雲九

和上春宮唐韻

寄所思

秋閨和韻

洞庭秋望

聯騎

送友還江陵

馮二尹招飲

江城別李松年

送友還蜀

同張道士看月

鏡湖秋望

旅懷寄盧方平

送張長生內翰

橫塘感舊呈黃伊旦

從征

方雨若歸耕

春暮有懷

再送盧五

家園寫意

舟泊七里江觀釣

秋懷步馮二尹韻

所見

南園秋眺

聞鶯

旅泊

醉後登趙氏書樓彈琴

家園同韓贇公樓一之小酌

別劉黃中

楊州懷古

咸陽懷古

秋懷

其二

沈媚姑

寄堦五三叔

贈徐宜仲

祝余年伯母

書馮二尹扇頭

有感

再遊南宅廢園

題白蓮寺水閣

鄭墨林齋中與蘇明府夜話

旅肆聞笳

泊舟毫梁

寓西水天寧寺懷故

三唐集韻
卷二
贈施鍊師

春暮同胡子葵宿虎丘悟石山房寫興

其二

秋夜同袁典客亭李別駕宏

訪崔山人子久不遇

三唐集韻卷二

茂苑楊爲松青冬父著

七言律

江上

白雲相逐水相通莫使江邊逐釣翁
橫玉遠開千嶠雪登舟忽掛一帆風
鳥飛天外斜陽盡山帶秋陰樹影空
六代風光無問處明年歸棹一從容

盧綸 朱慶餘 李渥 吳融
溫庭筠 羅隱 李咸用 羅鄴

贈匡侯陳將軍

天書夜到冊元公
天眷君陳久在東
色借玉珂
迷曉騎雲開水殿
候飛龍再調公鼎
勳庸盛共
識 皇恩造化同
聞道百城新佩印
自西流水
盡朝宗

韓愈 楊巨源 岑參 錢起
張籍 張說 王維 王建

旅思

長樂才聞一扣鐘
淒淒遊子若飄蓬
遠簷高樹
宜幽鳥過雨閒
雲看晚虹滿壁
存亡俱是幻
十年塵事只如風
謾誇書劍無歸處
已許滄浪伴
釣翁

胡宿 皇甫冉 杜牧 盧綸
薛逢 韋莊 皮日休 許渾

旅懷寄胡公望

悔將名利役疎慵
東過清淮到宿松
已覺浮生
無住着莫言歸計
為雲峯山中宰相
陶弘景南

國詩人陸士龍惆悵路歧真此處灘聲依舊水溶溶

薛逢 羅隱 白居易 黃滔
譚用之 朱灣 李紳 僧棲蟾

秋暮宿江城

萬里寒光生積雪半床明月夜聞鐘一聲溪鳥曙雲散九點秋烟黛色空十二碧峯何處所三千世界本無窮五湖竟負他年志六印蘇秦道不同

采石遇盧方平

祖咏 黃滔 許渾 曹唐
劉禹錫 武元衡 韓偓 劉兼

一片年光覽鏡慵弟兄羈旅各西東湯師閣上留詩別采石江頭帶雨逢逋客未能忘野興路人應恐笑龍鍾不堪腸斷思鄉處猶自莓苔馬跡重

譚用之 白居易 許渾 鄭準
秦系 王鵠 李德裕 黃滔

古源師夜話

三唐集員 卷二 米拜堂

三唐集前 卷二
桑落新開瀉玉缸老禪慧力得心降浮生已悟
莊周蝶高榻猶眠謝守窗桂樹參天雲漠漠羣
峯過雨澗淙淙誰憐翠色兼寒影秋晚南遊更
渡江

司空曙 顧况 張泌 許渾
曹唐 杜甫 張祐 薛能

偶書

強說前程聊自慰笑論王霸舊為邦刑曹樹蔭
千年井彭蠡秋連萬里江林簇曉霜離水寺雲

生梵宇濕幡幢此心曠蕩誰相許暫寄華筵倒
玉缸

竇叔向 司空曙 李洞 杜牧
僧齊己 顧况 劉兼 許渾

寄懷

春思春愁一萬枝彌憐雙鬢漸如絲身隨遠道
徒悲梗家似流萍任所之多病漫勞窺聖代無
才不敢累明時脩心未到無心地相望長吟有
所思

唐彥謙 李嘉祐 崔櫓 楊志堅
羅隱 王維 僧貫休 劉禹錫

懷吳漢臣

相留一醉本無期北客音書欲寄誰懷袖未傳
三歲字論交却憶十年時潮寒水國秋砧早花
暗關城匹馬遲別恨轉深何處寫芭蕉葉上自

題詩

戴叔倫 盧綸 劉方平 高適
許渾 牟融 李端 韋應物

春暮懷鄉

暖烟輕逐曉風吹又是繁華夢覺時野戍岸邊
留畫舫碧紗窗外嘯黃鸝花開花謝還如此誰
在誰忘兩不知擬共釣竿長往復落花流水共
添悲

韋莊 崔塗 劉禹錫 白居易
羅隱 韓偓 秦系 李嘉祐

遣懷

自醉自吟愁落暉東歸可是有家歸賈生年少
虛垂淚范蠡逋逃又拂衣壯志未酬三尺劍謀

臣休道一丸泥此來忽見垂綸者欲買嚴光舊
釣磯

姚鵠 羅鄴 李商隱 蘇廣文
李頻 皮日休 劉滄 許渾

秋夜送友東歸

忽逢秋節便相違貧覺家山不易歸窗裏日光
飛野馬宅邊秋水浸苔磯甘棠城上客先醉寒
葉嶺頭人住稀對月與君相送夜兩心如影共
依依

項斯 羅隱 韓偓 趙嘏
許渾 伍喬 樓白 崔珏

落花

數片狂和舞蝶飛變成春態媚晴暉不隨殘雪
埋芳草却伴青霞入翠微千里客心難寄夢五
湖烟水獨忘機宵來雨過東風急迴看池塘影
漸稀

鄭谷 韓琮 韋莊 曹松
楊牢 溫庭筠 白居易 李建勳

別李湘蘭

三唐集員 卷二 五 李拜堂

三唐集部 卷二 六 水拜堂
情高元與世人疎欲報瓊瑤恨不如三寸橫波
回漫水千鍾紫酒薦菖蒲林間客散孫弘閣柳
下官資顏子居日暮酒醒人已遠起挑殘焰獨
躊躇

張方平

司空曙

李羣玉

殷文圭

錢起

高 駉

陸龜蒙

黃 滔

吳子葵山齋學畫

賓席何心望食魚到來常聽說清虛雨餘古井
生秋草花落閒窗讀道書舞席歌塵空歲月嵩

雲秦樹久離居重思醉墨縱橫甚水碧山青畫
不如

方 干

劉得仁

戴叔倫

曹 唐

劉 滄

李商隱

陸龜蒙

韋 莊

夜泊甘露寺

猶是千年激壯夫不堪回首望勾吳閒過綺陌
尋高寺笑倚春風仗轆轤曾許郗生工射策可
知甯子解佯愚應憐獨向名場苦高掛一帆歸
五湖

薛雲平曾揚巨源曹唐
皇甫冉白居易賈島吳商浩

又

承露絲囊世已無敢論松竹久荒蕪月明江路
聞猿斷夜靜坊中問酒沽倚砌綠苔鳴蟋蟀壓
枝紅艷照枯株時人欲識胸襟否一片冰心在
玉壺

杜牧杜甫劉長卿張藉
韋莊盧綸杜牧王昌齡

又

古往今來底事無莫令從此混樵蘇茂陵烟雨
埋弓劍澤國江山入戰圖自有卷書消永日不
勞心力講陰符明朝又欲歸城市深愧三縑郵
旅途

楊巨源李紳薛逢曹松
劉兼楊巨源姚合平曾

寄西蜀張司農

枕遍潺湲月一溪家山牢落戰塵西橙林礙日
吟楓葉蜀路晴天見碧鷄蘭鷓對飛漁棹急輪

茵橫剪翠峯齊三年已制思鄉淚不見猿聲助
客啼

僧齊已 司空圖 杜甫 溫庭筠
李紳 順聖后 李商隱 駱賓王

雨後登虞山

悔別青山憶舊溪閒拖象屐到峯西鄉園不見
重歸鶴烟郭遙聞向晚鷄征陌獨愁飛蓋遠稚
杉應拂凍雲齊欲知此路堪惆悵紅槿花中越
鳥啼

岑參 僧貫休 元結 張泌
錢起 吳融 許渾 李德裕

有懷

碧山烟散避秦溪澗水東流復向西千載腐儒
騎瘦馬三更津吏報潮鷄新亭舉目風景切野
岸維舟春草齊莫被此心生晚計恐聞黃鳥向
人啼

胡曾 李華 唐彥謙 李德裕
劉長卿 韋莊 楊巨源 顧況

山中集懷

東望雲山日夕佳
上清歸客意無涯
世情已逐浮雲散
劍珮應和愧色埋
鳥帶夕陽投遠樹
猿爭山菓落空堦
相酌笑話秋風裏
每向秋風更愴懷

劉禹錫

戴叔倫

賈

至

陸龜蒙

黃滔

僧貫休

姚

鵠

杜荀鶴

又

日高閒步下堂堦
落葉添新仰古槐
但問交親爲老計
莫將文譽作生涯
微波有恨終歸海
蒼

翠無言空斷崖
欲解剎那知佛性
驚心猶夢合歡鞋

李廷勳

元稹

白居易

皮日休

薛逢

陸龜蒙

僧廣宣

王洪

寄電長弟

綺羅長擁亂書堆
塵靜寒霜覆綠苔
鳥散落花人自醉
月明欹枕夢初回
孤高堪弄桓伊笛
欲賦慙非宋玉才
身事未成歸未得
故園誰道有書來

三月集音
卷二
杜貫
休姚合許
牧溫庭筠荀
鶴渾劉
曹劉兼
松

禁足

見說年來事可哀
入門瀟灑絕塵埃
笑吟山色同欹枕
貪記詩情忘酒杯
不學鑄金思范蠡
須言陋巷有顏回
忘機漸喜逢人少
簾捲春風燕復來

聶夷中 楊夔 秦韜玉 朱慶餘
竇常 朱灣 司空圖 胡曾

對酒

紅顏白髮遞相催
一曲離歌酒一杯
渭水寒光搖藻井
越宮春色上高臺
心迷曉夢窓猶暗
書寄鄉閭人未回
故事悠悠不可問
杜陵歸客正徘徊

韓偓 許渾 盧宗回 溫庭筠
崔珣 劉滄 司空曙 韋莊

貧旅

不奈狂夫不籍身
每回回首卽長顰
風吹畫角孤城曉
雪點寒梅小院春
深愧青莎迎野步
莫

思黃綬拂行塵門前下客雖彈鋏百遍相過不厭貧

元 韞 李羣玉 郎士元 温庭筠 鄭 畚 紀唐夫 朱 灣 戴叔倫

客白下寄全之大兄

却憐無事是家貧滿眼公卿總不親且飲綠醪消積恨還將疎懶背時人雙溪未去饒歸夢孤雁初來想別秦莫道還家不惆悵鬢毛今與草爭新

韋 莊 王 建 紀唐夫 張 泌 廖光圖 唐彥謙 黃 滔 盧 綸

祝長邑予順金明府尊慈

善政多才寵寇恂繡衣芸閣共榮親上陽樹色春中見茂苑鶯聲雨後新莖露想傾長命酒封名直進薛蘿人蓬瀛乍接神仙侶便是蓮花不染身

錢 起 清 江 李 頻 張 籍 曹 唐 王 廷 袁 皓 楊 郇伯

吳苑聞歌示友

遠色初晴渭曲分
白衣顛顛更離羣
梅村尚歛風前笑
曙角多同醒後聞
雪圃乍開紅菜甲
長門空鎖綠苔文
晚來惆悵無人問
惟我回看指示君

鄭谷許渾李羣玉陸龜蒙
韋莊胡曾江陵士子白居易

野步

風捲平沙日欲曛
手披荒草看孤墳
人間後事悲前事
江上晴雲雜雨雲
起雁似驚南浦棹
清

詞堪嘆九秋
文陽和本是烟霄曲
心遶關河不忍聞

裴羽仙劉長卿郭郎李商隱
趙嘏吉師老楊巨源許渾

懷友

邊雁迎風響咽羣
故園秋隔五湖雲
愁看柳色懸離恨
空聽漁歌到夕曛
才子舊稱何水部
詩家今得鮑參軍
誰人爲報故交道
萬里烟波也夢君

盧 弼 趙 嘏 令狐楚 崔 塗
韓 翃 楊巨源 李商隱 岑 參

長邑蘇明府言別

虛受賢侯鄭重恩但逢花處即開尊
涼飛玉管來秦甸夢逐河聲出禹門
舉世只知嗟逝水旅遊誰肯重王孫
自憐不識平津路却望風沙走塞垣

曹 唐 劉禹錫 韓 琮 韋 莊

貫 休 殷文圭 劉禹錫 李逢吉

夜飲顧筆堆自耕園

臥多唯覺鳥聲喧一曲悲歌酒一尊
紅樹暗藏殷浩宅綠蕪空鎖碎疆園
松膏背日凝雲磴風柳誇腰住水村
永日獨驚滄海濶歸來誰信釣翁言

盧 綸 白居易 薛 逢 吳 融

郭 震 李商隱 劉 威 章 碣

懷黃山書

深院無人獨倚門萋萋芳草憶王孫
堪將亂葢添雲思靜愛寒香撲酒樽
舊業已荒青靄逕殘

三月身音
卷二
烟猶傍綠楊村流光易去歡難得搖落春心似
夢魂

韋莊 趙光遠 陸龜蒙 羅隱
鄭谷 雍陶 鮑防 皎然

閨思

各自當情各自歡素琴幽怨不曾彈雲漫隴樹
魂應斷粉落香肌汗未乾思子臺邊風自急畫
眉窗下月猶殘相思不見又經歲幾許幽情欲
話難

宿江城寄懷韓士季

元稹 唐彥謙 秦韜玉 崔珣
李商隱 劉禹錫 劉滄 薛逢

片片輕鷗下急湍爲君提筆画漁竿清詞醉草
無因見塵室寒窗我獨看紅葉樹深山逕斷碧
岩泉落水容寬雲林滿眼空羈滯離緒鄉心起
萬端

杜甫 羅隱 陸龜蒙 劉滄
張祐 許渾 皮日休 劉兼
吳山秋望

三月集音 卷二 五
紅衣落盡暗香殘青帝邀春隔歲還入夜更宜
明月滿登高始覺太虛寬閒堦雨過苔花潤古
驛霜多柿葉寒獨憶忘機陪出處異禽靈草水
潺潺

羊士諤 王 初 僧法振 李建勳
陸龜蒙 崔 洞 李逢吉 僧貫休

寫懷

轉蓬流水幾時還年去年來兩鬢斑三徑僅存
新竹樹千門空對舊河山簾前春色應須惜身

外浮名總是閒長怪魯儒頭在白不如高臥且
加餐

李 遠 杜荀鶴 王 播 劉長卿
岑 參 朱慶餘 張 蠙 王 維

送龔聞園司理

一詔皇城四海頒笑迎賓從卽南還恩勞未盡
情先盡爲政身閒物自閒竹葉豈能消積恨野
花空解妬愁顏欲知別後思君處都在愁人鬢
髮間

白敏中 曹唐 張祐 李頎
韋莊 嚴 鄧 韓 偓 白居易

贈嚴州宋子彬

好將能事濟清閒
策杖臨風拂袖還
萬木長承新雨露
六朝空認舊江山
不隨世祖重携劍
却伴漁翁把釣竿
從此人稀見踪跡
晚風吹上子陵灘

薛逢 李中 劉長卿 羅鄴
沈彬 許渾 殷文圭 張蠩

江上有感

一客愁心兩處懸
為言憔悴過年年
長疑好事皆虛事
可得潛然自偶然
伍相廟前雲似水
魏王堤畔草如烟
蕭條已入寒空盡
大半生涯在釣船

曹鄴 來鵬 李山甫 鄭谷
李郢 韋莊 白居易 李咸用

詠懷古跡

的是將心暗學禪
中間消息兩茫然
不嫌泥酒衝愁陣
只有寒吟到曙天
一棹冷函楊柳雨
片

帆香掛橘洲烟前朝舊物東流在盡日菰蒲泊
釣船

朱慶餘 杜甫 鄭谷 李廷勳
譚用之 殷文圭 崔塗 張泌

題胡子葵山居

長得尋君水石邊翠濃猶帶舊山烟塔分朱雁
餘霞外雪打高杉古屋前樹影不隨明月去石
窓應被薜蘿纏勸君不用誇頭角只箇逍遙是

謫仙

譚用之 李中 李紳 李建勳
方干 僧若虛 李山甫 李咸用

懷家園

晚日含風拂野橋天涯行客思迢迢青楓獨映
搖前浦石路荒涼接野蒿梓澤晚雲依埤塊洛
陽春夢憶波濤陽和不散窮途恨人事音書漫
寂寥

李商隱 李頻 李嘉佑 温庭筠
方干 譚用之 錢起 杜甫

孔國達東歸不果

三月集前 卷二
可憐嚴子持竿處青草洲邊南渡橋帶雪野風
吹旅思夕陽清露濕寒條卽知遠客雖多事應
念田歌正寂寥薄暮欲歸仍佇立越山無路水
迢迢

羅 鄴

孫 楚

伍 喬

僧清江

杜 甫

溫庭筠

李建勳

許 渾

五月十二泛舟洞庭

南泛孤舟景自饒綠江路熟俯青郊雲陰鳥道
苔方合水結河源夏半銷烟幌自應憐白紵風

帆常覺戀簞瓢興來吟咏從成癖不敢爲文學
解嘲

劉 滄

杜 甫

李 瑞

張 蠟

李商隱

盧 肇

白居易

劉禹錫

寄翼庵上人

逝波終日去洳洳懶情無心作解嘲已許衲僧
脩靜社却教賤子委衡茅月生淮上雲初散花
落梅溪雪未消今日與君同避世西風好借木
蘭橈

僧貫休 杜甫 周賀 杜荀鶴
李中 僧無本 韋莊 韓翃

題定山寺壁

偶來幽寺息塵勞
嵐嫩千峯疊海濤
杉檜已依靈塔老
雪雲初卷定山高
風經險障回疎雨
瓦落空墻見野蒿
剩欲與君終此志
還應選地種仙桃

呂溫 杜牧 李中 嚴維
僧虔默 許渾 皮日休 譚用之

旅思

故園何處長蓬蒿
獨往南州肯告勞
建水風烟收客淚
雒陽春夢憶波濤
已悲節物同寒雁
惟恐流年損鬢毛
東道若逢相識問
一瓢顏巷日空高

呂溫 嚴維 司空曙 譚用之
李商隱 鄭谷 劉長卿 杜牧

送羅四之定海

平原一望戍樓高
不用傷心嘆二毛
銀燭未消鷄送曙
孤雲無定鶴辭巢
帆飛震澤秋江遠
雪

滿長安酒價高還憶故人滄海別夢魂猶自畏
波濤

朱慶餘 呂 温 韓 愈 譚用之
劉 滄 鄭 谷 韓 翃 項 斯

江頭晚眺

試看夷門奈遠何空令歲月自蹉跎沙頭雨染
斑斑草水面風披瑟瑟羅懷袖未傳三歲字絲
絃時伴一聲歌晴郊別岸鄉魂斷欲寄家書少
客過

令狐楚 李 頎 白居易 殷文圭
劉方平 杜 牧 王 初 許 渾

野步

牧笛吹風起夜波遊人處處動離歌半山殘月
露華冷一逕草荒春雨多已覺逝川傷別念不
知歸路欲如何閒思兩地忘名者可要棲身向
薜蘿

張 喬 翁 授 韋 莊 許 渾
王 勃 李 郢 陸龜蒙 方 干

書李湘蘭扇頭

醉舞詩狂漸欲魔年光自感益蹉跎螢低夜色
棲瑤草露透輕衣雜綺羅銀燭焰前貪勸酒綠
雲鬟下送橫波懷芳不作翻風艷香地燈光奈
爾何

元 稹 劉 滄 韋 莊 李 鄣
李 遠 韓 琮 李 紳 李 商 隱

旅思寄林玉侯

村映寒原日已斜獨將羈思遶江沙舟從故里
難移棹身逐孤蓬不定家更被東風助惆悵又

因蝴蝶夢生涯自嗟此地非吾土桃杏栽成未
見花

郎士元 伊 璠 劉長卿 武元衡
吳 融 懷 楚 崔 珣 周 繇

江頭沽酒

須逐浮雲背若耶至今凝恨倚天涯芳林新葉
催陳葉江上朝霞換晚霞曲藝豈能俾損益琴
樽空自負年華逢君買酒因成醉莫管城頭奏
暮笳

譚用之 李山甫 劉禹錫 李
柳宗元 武元衡 蔡希寂

靈岩西施石

一尋遺跡到仙鄉
片石亭亭號女郎
惆悵無因見范蠡
曳裾何處謁吳王
風泉韻繞幽林竹
密雨斜侵薜荔牆
滿眼波濤終古事
兩眉愁思問橫塘

李建勳 劉禹錫 杜牧 韋莊
李又 柳宗元 薛逢 韓偓

王昭君

道路辛勤北去長
舞衣頓減舊朝香
草枯朔野春難發
纓帶流塵髮半霜
酒貌昔將花共艷
歸心今與雁同行
長安萬里傳雙淚
猶自千回問漢王

羅鄴 李建勳 張蠙 許渾
盧綸 崔融 劉長卿 沈彬

寄西蜀李松年

檐外千帆背夕陽
最多吟興是瀟湘
紅酣宿雨花纔媚
綠染回汀草又芳
碧落有情應悵望
暖

絲無力自悠揚雲容水態還堪賞莫被猿啼續
淚行

許 渾 杜荀鶴 張 籍 韋 莊
李 遠 韋 莊 杜 牧 楊巨源

懷復菴弟

牢落烟霞夢不成感時心緒杳難平雲遮北雁
愁行客花落南湖問去程吳岳曉光連翠巘古
堤斜日背灘聲懷君又隔千山遠一夜哀猿弔
旅情

題畫

譚用之 李 煜 李 紳 皎 然
李商隱 劉 滄 韓 翃 韋 莊

恐君多半未知名湘水晴波指下生青漢夢歸
雙闕曙虛窗東望一川平烟開蘭葉香風起鷺
立蘆花秋水明景色歡娛長若此不知何處是
前程

方 干 韋 莊 許 渾 楊 夔
李 白 陶 峴 韋元旦 趙 嘏

秋懷寄永齡弟

三唐集前 卷二
流年堪惜又堪驚，鄉思欺人撥不平。烟樹蒼茫分楚澤，暮笳鳴咽起孤城。風生野渚雁初下，雲靜高空月又明。久客未知何計是，壯心無事也沾襟。

趙 儼 秦 翰 玉 李 紳 崔 櫓
溫 庭 筠 李 中 韓 翃 韋 莊
漢 基 張 大 真 人 奉 召 入 都 書 贈

八公虛道得千齡，棧轉時聞驛使鈴。劍履曉趨雙鳳闕，角冠秋禮一壇星。身隨幻境勞多事，心

會真如不讀經，應是法宮傳覺路。盡將仙翰入

高冥

陸 龜 蒙 韓 偓 白 居 易 高 駢
清 江 劉 禹 錫 李 紳 楊 士 汝

吳鍊師自鄜州歸君山

爲愛君山景最靈，杖藜巾褐稱閒情。灘頭躡屐挑沙菜，松下看雲讀道經。葉墜陰巖疎薜荔，雨催青蘚匝春庭。尋思仙骨終難得，須就先生問丙丁。

高駢 李煜 劉禹錫 羅鄴
劉滄 李中 羅隱 賈島

其二

致身半是老君經
遍禮名山適舊扃
入戶竹生床下笋
揮毫書在枕邊屏
回中地遠風常急
江上春寒酒易醒
若惜片陽談妙理
野僧還欲廢禪聽

賈島 劉禹錫 李洞 李中
楊凝 羅鄴 靈一 皎然

懷胡泰徵

季月還鄉獨未能
亡書久似憶良朋
卽從巴峽穿巫峽
更話毗陵問杜陵
東澗野泉添碧沼
西巖一室映疎藤
此時不敢分明道
白髮新添四五莖

郎士元 司空曙 杜用 鄭谷
徐寅 許渾 韓偓 薛逢

中堯封感寓

移住中條最上層
心歸閒澹不因僧
窓臨絕澗聞流水
葉盡孤村見夜燈
世事茫茫難自料
浮

三唐集前 卷二
生擾擾竟何能今朝惆悵紅塵裏滿目寒烟隔
灞陵

司空圖 李昌符 皇甫曾 劉滄
韋應物 鄭谷 李遠 郎士元

金山

一望凄然感廢興肯教世事日兢兢雲藏野寺
分金刹斗轉寒灣避石稜山酒一壺歌一曲江
濤千疊閣千層可憐擾擾塵埃裏只此長閒幾
個能

劉滄 司空圖 陸龜蒙 方干
許渾 薛能 僧貫休 僧子蘭

步月

水遠山長步步愁憶歸初罷更夷猶山從建業
千峯出水到平沙幾處流松月影寒生碧落歌
鐘聲斷夢殘秋當年志氣俱消盡白髮而今欲
滿頭

許渾 李商隱 皇甫冉 劉滄
冷然 殷文圭 薛逢 張籍

其二

竹房遙閉上方幽，心憶蘭塘秉燭遊。
北渚三更聞雁過，南橫一道見溪流。
雲拖雨脚連天去，潮擁菱花出岸浮。
肯藉荒庭新月色，最含情處出墻頭。

劉滄 許渾 皇甫冉 周朴
姚揆 洪振 杜甫 吳融

七夕鄭墨林金仲發夜話

天河迢遞笑牽牛，行處青苔恨昔遊。
九陌華軒爭道路，一帆風雨憶滄洲。
邊心杳杳鄉人絕，故

壘蕭蕭蘆荻秋，莫怪天涯棲不穩。
對君疑是泛虛舟。

李商隱 李紳 楊巨源 李中
皇甫冉 劉禹錫 韓偓 杜甫

石湖夜飲

永夕袁宏好共吟，別開池館背山陰。
幾杯竹閣花殘酒，一曲鈴關悵望心。
蘭葉露光秋月上，雁聲寒咽隴雲深。
比鄰釣叟無塵事，多謝携筇數訪尋。

趙璜 劉滄 李咸用 崔塗
許渾 薛能 陸龜蒙 司空圖

題江寺壁

野寺昏鐘山色陰
月樓風殿靜沉沉
關河日暮望空極
客舍燈孤夜正深
黃葉夢餘歸朔塞
白雲飛處寄鄉心
已知世事非吾道
却向江頭倚棹吟

盧綸 陸龜蒙 趙嘏 伍喬
羅隱 許渾 周賀 褚載

秋思寄崔山人

相思一寄白頭吟
碧石青苔滿樹陰
遠別只愁添雪鬢
此來多愧食魚心
夜窗颯颯搖寒竹
暮雀啾啾空遶林
此日沾襟念岐路
殷勤終是感知音

錢起 李瑞 羅鄴 劉滄
劉兼 魚同機 趙嘏 楊巨源

劉仲升出家嶺南書寄

澗石驚瀧落夜潭
思鄉望國意難堪
不因列上封千乘
終傍蘆花結一庵
陌上歸心無產業
眼

前膠漆是烟嵐與君剩採江山景絕境方知在
嶺南

張泌郎士元翁承授韋莊
耿漳羅隱杜荀鶴胡曾

其二

晴烟漠漠柳毵毵脩禊重逢三月三春水獨行
人漸遠征帆高掛酒初酣漢陽雲樹情無極吳
越風烟到自諳應恨客程歸未得便于茲地結
茅庵

韋莊李遠惟審張泌
司空曙郎士元李郢胡曾

山居

清鏡無情未我嫌寒中注易不開簾琴尊風月
閒生計病思愁容苦並兼物象已隨塵外滅霜
華未用鬢邊添今朝似校擡頭語獨覺溪山興
不廉

陸龜蒙皮日休譚用之黃滔
楊衡劉兼白居易韓偓

家園書事

畫樓閒望擘珠簾梁燕詞多且莫嫌客路不歸
秋又晚東溪卜築歲將淹園中曉露青叢合樹
底薦花夜雨霑欲說近來心裏事病容愁思苦
相兼

秦翰玉 劉兼 張喬 李白
盧綸 韓偓 賈島 陸龜蒙

贈友

泉聲入夜獨潺潺越客東歸棲此巖鵬鷄喻中
消日月夕陽郭外暗松杉情多最恨花無語官

罷應知水復鹹今日因君試回首猶如壯馬脫
重銜

靈一 薛能 李郡玉 劉長卿
鄭谷 儲光羲 羅隱 韓愈

雜詠

寄荆南趙行璧司理

明到衡陽與洞庭往年多是半年程三秋梅雨
愁楓葉萬里歸心對月明鼓角迥臨霜野曙練
衣寒在碧塘輕思鄉懷古多傷別淚滿殘陽問

楚荆

王維 劉滄 溫庭筠 盧綸
楊巨源 魏朴 唐彥謙 鄭谷

憶內父廢園老梅

蔦拂蘿梢一樹梅不知當日是誰栽
傳情每向馨香得把燭頻看畏景催
落葉獨隨流水去春光無復下山來
誰家醉卷珠簾看處處斜陽草似苔

皮日休 聶夷中 薛能 秦韜 王
張喬 江陵士子 李紳 韓偓

中秋宿芙蓉江

瀟灑江湖十過秋水亭今日又重遊
青山殘月有歸夢晚樹疎蟬起別愁
鄉思不堪悲橘柚功名猶自滯吳鈞
西窓昨夜鳴蛩咽不啻秦人怨隴頭

杜牧 楊巨源 劉滄 趙嘏
殷文圭 溫庭筠 黃滔 胡宿

揚州懷古

西去荒涼舊路微隋朝楊柳映堤稀
晴花處處

因風起錦翅雙雙傍馬飛霧靜不容銀豹隱浦
深遙送釣童歸人間有許多般事爭取當年便
息機

劉長卿 李嘉祐 蘇頌 韋莊
唐彥謙 許渾 杜荀鶴 韓偓

程立庵水部歸黃崗

天涯風俗自相親蓬梗何年是住身故國杳無
千里信馬蹄空踏幾年塵瑤臺半入黃山路飛
閣旁臨東野春日暮長堤更回首又應愁殺別

離人

杜甫 李羣玉 杜牧 胡宿
李藏用 趙彥昭 許渾 張泌

拙政園書懷林玉侯

鬢似衰蓬心似灰留連不畏夕陽催林間度宿
拋棋局石上吟詩掃綠苔翠色本宜霜後見杏
園終待隔年開凭高目斷無消息一雁寒聲肯
水來

盧綸 郎士元 皮日休 白居易
韓喜 盧尚卿 姚鵠 劉滄

再呈陳大都督匡侯

秉鉞戎裝上將同天書遙借翠微宮龍門舊列
金章貴南國新留煮海功風解綠楊三署冷燭
迎千騎滿山紅不知奉詔朝天後多少諸侯合
避驄

盧渥 王維 蒯希逸 許渾
劉威 趙嘏 吳融 章

旅懷

天涯今日共風塵愁思看春不當春馬上折殘

江北柳樽前俱是異鄉人平樓半入南山霧玉
檻傍臨元灞津久客自憐雙鬢改世情相見白
頭新

靈一 杜審言 許渾 廖光圖
趙彥昭 李藏用 李嘉祐 錢起

茶亭僧以詩見惠依韻奉和

東林長老往來頻舊熟詩名似故人浮世近時
輕駿骨天涯今日共風塵千年苔蘚明山屐萬
里香華結勝因何事欲攀塵外契自言空色是

吾真

張籍 劉威 羅隱 靈一
李端 裴休 皮日休 廣宣

江干晚眺

物外何人識醉遊聞蛩教我獨驚秋風吹雨色
連村暗樹夾河聲遶郡流却把漁竿尋小徑更
邀詩客上高樓一朝千里心猶在水遠山長步
步愁

趙嘏 樓白 法振 姚暎
張志和 曹唐 李嘉祐 許渾

淮上送李觀察歸夏口

世途多難竟蓬飄王粲辭家鬢已凋烏鵲失栖
長不定風塵雖老未全銷清淮水急桑林晚夏
口城衝楚塞遙閑事與時俱不了雲愁江館雨
蕭蕭

寄怨

羅隱 韋莊 李商隱 白居易
崔峒 李頎 薛逢 武元衡

他生未卜此生休百斛明珠異日酬園苑有書

多附鶴畫屏無夢待牽牛芙蓉葉上三更雨蘆
荻花中一釣舟千古怨魂消不得淚珠時傍枕
函流

李商隱 崔珣 徐寅 溫庭筠
李昌符 薛逢 張泌 張佑

重陽前二日送五叔回旗

送君千里赴輪臺九陌喧喧騎吏催相別欲將
何計免寸心如結不曾開金波穆穆沙堤月寒
澗冷冷漱石苔向夕孤城分首處長亭一望一

徘徊

曹唐 姚合 姚鵠 江陵士子
胡宿 賈島 朱倣 吳融

同鄭墨林登王氏書樓望吳山分韻

看山獨上最高樓倚著高樓思莫收一夢不須
追往事數行添記別離愁帳連雲影蘿陰合水
泛紅衣白露秋日斷古鄉人未至門前風雨冷
脩脩

張籍 李咸用 羅隱 李紳
杜牧 許渾 李商隱 白居易

寄怨

人間多自信紅粧莫道粧成斷客腸終日欲為
相逐計不知誰嫁杜蘭香門通小徑連芳草地
接荒郊帶夕陽獨倚闌干意難寫願將形役問
空王

李山甫 崔珣 雍陶 曹唐
郎士元 李紳 崔櫓 司馬禮

寄龍門全之大兄

不眠長夜怕寒衾東望辰韓淚滿襟戍角就沙

催落日泉聲帶雨出幽林年來想見瓊枝色此
日初為關外心向夕孤城分首處家山如響隔
河砧

魚圓機 皮日休 沈彬 劉滄
胡宿 李商隱 朱啓 司空圖

治平寺松

落落孤松何處尋院寒清靄正沉沉紫毫粉壁
題仙籍綠葉分株自結陰帶露似垂湘女淚中
年潛識子房心不嫌舊隱相隨去書幌誰憐夜

獨吟

吳融 皮日休 劉滄 王勣
韋莊 許渾 周賀 劉禹錫

再寄孫水部

十二玉樓非吾鄉秦山楚水兩乖張雲間樹色
千花滿天上銀河一水長楊子可曾過北里故
人何處憶山陽真成獨坐空搔首腸斷星星兩
鬢霜

曹鄴 吳融 沈佺期 劉滄
許渾 譚用之 高適 何元上

征閨

為報秋來雁幾行雙雙相趁下斜陽雲開汶水
孤帆遠夢遶通山客路長盡把歸心付紅葉不
將清瑟理霓裳一聲畫角嚴城暮華表峨峨有
夜霜

楊巨源 羅鄴 高適 牟融
趙嘏 韓偓 劉威 司空曙

鄉思呈文位張銓部親家

思起鄉關滿眼愁傷離臨水更登樓行人南北

分征路楊柳東西絆客舟青草不堪頻送遠白雲何事獨相留流光易去歡難得簾幕繾繾不掛鈎

李紳 楊巨源 白居易 魚圓機
李益 劉長卿 鮑溶 張佑

祝水心秦司馬尊慈郝太君

少年趨府下蓬萊重見蕭曹佐漢才黯黯星辰環紫極迢迢列宿映樓臺雲飛太岳清詞著雨歇南山積翠來却羨府中棠棣好還將綵服咏

南咳

錢起 羅鄴 唐彥謙 包何
樊驥 李澄 劉禹錫 蘇頲

祝墨林鄭伯母

雨裊紅蕖冉冉香園林人比鄭公鄉溪浮箬葉添杯綠秋颯梧桐覆井黃花擁玉笙隨皓鶴酒傾華露醉霞觴共歡天意同人意竹下鷓鴣遶

鳳皇

杜甫 皇甫冉 許渾 岑參
錢起 曹唐 王維 蘇頲

祝吳瑤如刺史

瑤池沐浴賜衣新粉署為郎四十春
林沼葱蘢多貴氣沁園佳麗奪蓬瀛
南山近壓仙樓上紫閣遙連漢水濱
高鳥過時秋色動種松皆作老龍鱗

王建 牛僧孺 錢起 邵昇
岑羲 蔡孚 趙嘏 王維

祝胡子葵親家

仙老閉眠碧草堂更無閒夢到瀟湘
池光不動

花光亂竹影朦朧松影長從此隱來忘歲月而
今懶復見侯王河橋酒熟平生事一曲狂歌入
醉鄉

曹唐 李中 李商隱 盧綸
朱慶餘 秦系 許渾 韋莊

祝蔣親母兼呈雲九

三陽麗景早芳辰蓮府公卿拜後塵
望闕未承丹鳳詔到家先慶綵衣新
瑤臺含霧星辰滿霄漢無雲日月真
處處風光今日好瑞烟輕罩一

三唐集音
卷二
團春

唐圓宗 許 渾 戴叔倫 靈 一
李 白 王 建 趙彥昭 李山甫

和上春宮原韻

東郊上苑望春來
黼帳天臨御路開
五夜漏聲催曉箭
千門曙色鎖寒梅
池開凍水仙宮麗
風轉金鈴雪面迴
此日小臣徒獻賦
自憐終乏馬卿才

武平一 張說 杜甫 薛逢
鄭 愔 白居易 盧象 馬懷素

寄所思

何必香臺倚翠空
閑朝向晚出簾櫳
纖腰怕束金蟬斷
清珮仍含玉漏重
水木萬家朱戶暗
垂楊幾處綠烟濃
誰知容貌潛消落
盡在遊絲一縷中

趙 嘏 鮑君徽 薛 逢 楊巨源
韋 蟾 錢 起 崔 涯 劉 威

秋閨和蜀中劉夫人韻

殘粧滿面淚闌干
巴路登山八十盤
梅嶺寒烟

三唐集音
卷二
總
秋閨和蜀中劉夫人韻

藏翡翠水亭涼月掛漁竿題詩朝憶復暮憶相
見時難別亦難曾寄錦書無恨意誰能更與讀
來看

薛逢 雍陶 柳宗元 許渾
陸龜蒙 李商隱 劉兼 張古道

洞庭秋望

一條溪遶翠岩隈小隱西亭爲客開日暖雲山
當廣陌路陰桐葉少塵埃晚尋水澗聽松韻暮
背寒塘帶月回長憶洞庭千萬樹今朝皆到眼

前來

徐寅 許渾 楊巨源 李景遜
翊聖 秦韜玉 吳融 元稹

聯騎吳山望太湖

五陵無事莫回頭走馬應從一路遊欲並舊容
羞白髮因尋遺跡想浮丘蓬山雨洒千峯小夢
澤烟含萬古愁乘興杳然迷出處也同漁父泛
虛舟

吳融 韓翃 劉長卿 李中
魚圓機 韋莊

送友還江陵

鄉迷雲樹淚空頻
山色初明水色新
樓下潮回滄海浪
鳥邊花暖釣江春
長年門外無塵客
今日扁舟有故人
對酒不能傷此別
路岐空羨獨行身

許渾 王貞白 薛逢 譚用之
李商隱 劉滄 雍陶

馮二尹昭飲

楚江橫在草堂前
忽慢相逢是別筵
五夜清歌

敲玉樹一林黃葉送寒蟬
石窓欹枕疎疎雨
山檻晴歸漠漠烟
醉後不能離綺席
北風催上洞庭船

趙嘏 陸龜蒙 曹唐 鄭谷
貫休 許渾 劉兼 崔櫓

江城別李松年

吳門烟月昔同遊
重得經過已白頭
臨水釣舟橫葦岸
叫雲寒角動城樓
紅蘭委露愁難盡
芳草何年恨始休
明日獨歸花路遠
兩行鄉淚為

君流

許渾 李紳 劉兼 姚鵠
温庭筠 杜牧

送友還蜀

幽慵不覺耗年光江上離人促去航花界三千

春渺渺巫山十二鬱蒼蒼舜城風土臨清廟魏

國山河半夕陽過客不須頻太息潘安惆悵滿

頭霜

皮日休 牟融 胡宿 劉禹錫
楊巨源 李益 戴叔倫 沈彬

同張若虛看月

靜消心火夢魂涼不駕蒲輪佐禹湯舉世盡從

愁裏老退休便是養生方雨滋苔蘚侵階綠泉

遶松根助茗香閒約羽人同賞處小天星斗滿

衣裳

殷文圭 羅鄴 褚載 司空圖
岑參 許渾 李中 曹唐

鏡湖秋望

世途倚伏多無定逃暑迎春復送秋竹色拂雲

連嶽寺蒹葭白水遶長洲千年蕭瑟關人事萬
里山川半舊遊始欲共君重悵望鏡湖新月在
城樓

白居易 翁綬 劉滄 李嘉祐
項斯 許渾 孫棨 朱慶餘

旅懷寄盧方平

芳草王孫暮不歸報秋榆葉落征衣潮寒水國
花期近月暗山城夜漏稀高截碧塘長耿耿初
行郊野思依依無人開口共誰語滿目碧雲空

自飛

韋莊 趙嘏 鄭谷 許渾
韓喜 劉滄 白居易 譚用之

送張長生內翰

十年書劔任飄蓬時暫開襟向遠風千里吳山
青不斷一川秋草思無窮柴門客去殘陽在小
閣塵凝人語空時憶故交那得見驛樓高倚夕
陽東

許渾 章碣 李中 張泌
司空曙 李商隱 韋應物 韋莊

橫塘感舊呈黃伊旦

百感中來不自由
路傍能結旅人愁
吳宮花草埋幽徑
魏國山川在白樓
丹壑樹多風浩浩
碧溪雲斷水悠悠
昔時霸業何蕭索
昨夜分明夢去遊

杜牧 薛逢 李白 楊巨源
許渾 溫庭筠 劉滄 李中
從征

起行殘月影徘徊
欲飲琵琶馬上催
驛路兩行

秋吹急秦川
一半夕陽開
江間波浪兼天湧
北海陰風動地來
唯有寄書書未得
故鄉終日望書回

顧况 王翰 吳融 王維
杜甫 王建 許渾 劉滄

方雨若歸耕

肯銷金甲事春農
萬古驚塵向此空
野水自添田水滿
近村得雨遠村同
窗前綠竹生空地
夾岸桃花遶故宮
雲物不殊鄉國異
龍媒去盡鳥

呼風

春暮有懷

去恨離懷醉不開
野塘晴暖更徘徊
邊城夜靜月初上
南浦花殘客未回
強聽紫簫如欲舞
重吟鸚鵡益堪哀
那堪獨立思前事
一寸相思一寸灰

姚鵠
皮日休

韓偓
崔塗

譚用之
樓白

許渾
李商隱

再送盧五

離腸百結解無由
花似紅粧滿岸愁
灘響忽高何處雨
砧聲却是去年秋
榮枯盡寄浮雲外
客路長依漢水流
早晚回鞭復南去
嶺猿灘鳥更悠悠

魚玄機
許渾

李遠
薛逢

吳融
鄭準

護國
羅鄴

家園寫意

莫悲風月獨沾襟
相對濃陰去住分
蜀魄叫迴

芳草色夕陽吟殺倚樓人未將梅蕊驚愁眼且
許閒官寄病身往歲今朝幾時事形容惆悵老
於真

李紳 温庭筠 李咸用 韋莊
杜甫 韓愈 李景遜 李洞

舟泊七里江觀釣

幾多身計釣前休物外何人識醉遊虛薄至今
慚舊職龍鐘况是對窮秋蘆花渚裏鴻相叫黃
鶴樓中月並鈎此夜斷腸人不見暮山空碧水

空流

皮日休 趙嘏 白居易 賈島
李嘉祐 武元衡 顧况 伍喬

秋懷步馮二尹韻

因思名利孰如身浪跡江湖白髮新閃閃酒旗
招醉客涓涓清露濕冰輪孤帆夜別瀟湘雨羅
綺長留蜀國春道困古來應有分蘇秦羈旅長
孫貧

李山甫 李商隱 李中 王初
許渾 武元衡 薛能 黃滔

所見

不競春妖冶態濃翠衾婦臥繡簾中花房露透
紅珠落倦枕徐欹寶髻鬆斜傍畫筵偷舞態共
尋香社見芙蓉愁心似火還燒髮披扇清涼不
在風

李紳
顧雲

李商隱
李建勳

溫庭筠
羅隱

韓偓
楊巨源

南園秋眺

榆烟將變舊爐灰盡興南遊卒未回六里青山

芳草暮一江紅樹亂猿哀月明古寺客初到風
靜寒塘花正開更有野情堪愛處重重履跡在
莓苔

崔魯
項斯

曹松
劉滄

劉希夷
李中

韋莊
李頎

聞鶯

壯心翻是此身讐遠害朝看麋鹿遊送日暮鐘
交戍嶺連雲古塹對高樓舜城風土臨清廟晉
代衣冠成古丘九陌芳菲鶯自囀一聲聲作兩

眉愁

崔塗 杜甫 姚鵠 周朴
楊巨源 李白 章孝標 韓偓

旅泊

芳草淒淒鸚鵡洲
寥寥泊處夜偏愁
陰成杏葉纔通日
霜剪紅蘭不待秋
山色遠連秦樹晚
水聲空傍漢宮流
此情可待成追憶
朝夕催人自

白頭

崔顥 法振 薛能 翁授
韓翃 韋莊 李商隱 杜甫

醉後登趙氏書樓彈琴

獨上層樓望庾樓
且將身暫醉鄉遊
林花靜帶高城晚
細草春閒小洞幽
笛怨柳營烟漠漠
鳥棲庭樹夜悠悠
潸然回顧難消遣
緩把瑤琴送我愁

許渾 薛逢 趙嘏 韓翃
武元衡 李中 鄭谷 房千里

家園同韓贄公樓一之登高

柴門草舍絕風塵
致得貧家不似貧
岐路未開

今日事茱萸凡作幾年新但將酪酏酬佳節何
用浮名絆此身醉倒君前情未極君前誰是百
年人

劉長卿 劉 威 楊巨源 張 譔
杜牧 羅隱 閻朝隱 高蟾

別劉黃中

不須惆悵對西風回首殘陽雉堞紅十載戰塵
銷舊葉一家烟雨是元功川分遠岳秋光靜雪
霽平郊楚酒濃古往今來只如此愁君客路在

其中

歸仁 樓白 沈彬 陸龜蒙
劉滄 羅隱 杜牧 皇甫冉

揚州懷古

迷樓何異景陽樓苔徑蒼蒼訪昔遊赤葉黃花
隨野岸離宮秘苑勝瀛洲人聲曉動千門闕湖
色寒分半檻流舊業已隨征戰盡年年空遣蝶

蜂留

許渾 劉長卿 李 端 宋之問
元稹 趙嘏 盧 綸 王建

咸陽懷古

莫辭尊酒暫相留
醉未如泥飲莫休
萬里憶歸元亮井
十年分散劔關秋
秦家故事隨流水
漢武泉聲落御溝
風景宛然人自改
露花淒冷蓼花愁

牟融
李嘉祐

白居易
趙嘏

李商隱
王建

溫庭筠
李後主

秋懷

九天星象簾前見
一夜秋聲入井桐
萬疊雲山

供遠恨十年書劔任飄蓬
五湖烟水盈歸夢
千里晴雲渡塞鴻
四海共誰言近事
三生同聽一樓鐘

李廷勳
薛逢

皮日休
王初

劉

兼

許
李商隱

其二

五原岐路去無窮
一桁晴山到碧峯
萬里綠波魚戀釣
六朝文物草連空
三秋木落半年客
十日花開一夜風
四海昇平人共樂
兩床絲竹水

樓中

許棠 薛能 韋莊 許渾 杜牧

沈媚

草堂吟嘯興何幽轉作離聲滿座愁
冰簟且眠金鏤枕雙鬟慵插玉搔頭
雖同橘柚依南土還把鄉心寄北樓
皓月隔花追歎別阮郎唯有夢

中留

李中 白居易 李商隱 張佑
陳陶 李紳 曹唐 魚玄機

寄堦五三叔

深黃一點入烟流渡口潮平捉去舟
鳴笛急吹爭落日歌鐘聲斷夢殘秋
陰移古戍迷荒草月上巖城話旅遊
心似百花閒未得客情終日在
眉頭

李後主 牟融 韓愈 殷文圭
翁授 劉滄 曹松 姚揆

贈徐宜仲

喜戴黃冠向雪峯石林精舍虎溪東
池塘月撼

芙蓉浪間闔涼生六幕風露墮桂花碁局濕酒
開金甕綠醅濃明朝更躡層霄去許上經樓第
幾重

于鵠 郎士元 方干 王初
許渾 朱灣 冷然 李商隱

祝余年伯母

芝田花發正徘徊桃艷仙顏阿母栽黛色晴峯
雲外出朱樓畫閣水中開瓊簫暫下鈞天樂山
翠遙添獻壽杯欲識蓬萊今便是列仙名自上

清來

駱賓王 李紳 錢起 李嶠
韋元旦 李適 周朴 劉滄

書馮二尹扇頭

樹壓村橋馬過遲東風臺上莫相吹寧知隴水
烟消日正是長安花落時野哭千家聞戰伐異
鄉終日見旌旗餘生尚在艱難處老大關心總
是悲

雍陶 薛能 戎昱 張敬忠
杜甫 韓偓 耿湣 竇叔向

有感

身似流星跡似蓬
鵬飛誰肯借高風
名移蘭社千年後
坐指浮生一夢中
村落日斜眠虎豹
石潭波動戲魚龍
共君莫問當時事
我道同中有不同

吳商浩
聶夷中

杜牧

韓琮
皮日休

劉滄
白居易

再遊南宅廢園

獨步長堤不見人
月樓誰伴詠黃昏
愁心自惜

江籬晚荒徑今爲舊宅鄰
嚶嚶素榆飄玉葉深
深紅樹隱啼鶯暫來此地
非多日幾許悲歡併
在身

杜牧

李商隱

皇甫曾

陸龜蒙
劉長卿

題白蓮寺水閣

爲報秋來雁幾行
天和樹色靄蒼蒼
谿雲雜雨來茅屋
水鳥帶波飛夕陽
暫放塵心遊物外
獨開封檢試砂床
酣歌自適逃名久
萬里西風夜

正長

柳宗元
許攸

司禮馬
陸龜蒙

錢起
司空圖

溫庭筠
李商隱

鄭墨林齋中與長邑蘇長人夜話

楚歌重疊怨蘭叢
秦地山川似鏡中
千里未知投足處
一樽須對夕陽空
離心不忍聞啼鳥
往事何須問塞鴻
論舊舉盃先下淚
寂寥誰與此身同

李商隱
韋莊

沈佺期
羅隱

滕倪
揚巨源

李咸用
劉滄

旅肆聞笳

秋風蕭瑟靜埃塵
葉落東西客又分
素色不同籬下發
寒聲偏向月中聞
笳隨遠吹迎邊草
雁叫斜陽背塞雲
惆悵故園前事遠
花箋好作斷腸文

盧弼
劉長卿

馬戴
劉滄

李商隱
唐彥謙

韓喜
皮日休

泊舟毫梁

南望千山無盡期
北風吹雁數聲悲
林間煖酒

燒紅葉路上停舟讀古碑
白社已應無故老
鳳城何處有花枝
新愁舊恨多難說
獨向東流奠一卮

韓翃 李益 白居易 劉禹錫
鄭谷 李商隱 雍陶 許渾

寓西水天寧寺懷故鄉

渡頭芳草憶前年
故去新來感自然
一笛月明何處酒
滿林風雨夜深禪
偶來水館逢為客
歸去程途半在船
今日登臨無限意
空流鄉淚越

江邊

崔櫓 沈彬 劉洽 陸龜蒙
劉威 齊己 劉暌 柳宗元

贈施鍊師

入院松聲共鶴聞
烟郊四望夕陽曛
琴臨秋水彈明月
客至孤峯掃白雲
豈止形骸同土木
已無踪跡在人羣
林間學道如容我
二十年來願見君

楊巨源 陳上美 杜荀崔 皇甫曾
白居易 趙嘏 黃滔 朱長文

上經畧李相公子靜

報國縱橫見丈夫致君全得似唐虞一峰凝
黛當明鏡百辟聯行挹大儒詞藻世傳平子賦
歌謠聲徹帝王都天邊為要畱名姓鶴在卿
雲冰在壺

楊巨源
皇甫冉

綦母潛
姚鵠

李紳
王仁裕

盧綸
趙嘏

百名家英華

茂苑揚為松青冬

吳江顧有孝茂倫選

山陽黃之翰大宗

長洲蔣楷荆名 叅

古人以集句名者在宋則惟王荆公安石嘗以鳥
鳴山更幽對風定花猶落之句沈存中稱其上句
靜中有動下句動中有靜詞意工妙信為絕調嗣
後文信國集杜王遂東律陶剪綃平坵咸有蒨集
流傳菡林共相愛玩然未有多至七百餘篇如吾
青冬揚子者也青冬故將家子少諳韜畧夙著茂

勳與之相對復恂恂儒雅有雅歌投壺氣象胸中
整暇宜其驅使詩人於筆端無異指揮健兒於帳
下矣青冬爲余宗之壻婁東家伊人亦工此體他
日者對壘一堂墨兵相向余從壁上觀未知孰爲
雌雄也

宿石湖山庄東越蕃宗兄

十年江浦臥郊園茅屋三間映古源遠雁臨空翻夕照
斷雲含雨入孤村隴禽有意猶能說怪石無情更不言
應笑白鬚楊執戟每將榮辱在朝昏

集

權德輿
吳融

尚顏
方干

武元衡
楊巨源

韓偓
郭震

崔山人有約看花舟泊行春橋值雨雪

春橋南望水溶溶長定相逢二月中燕雨似翻瑤渚浪
花聲閒落洞庭風孤舟少泊聯詩句遠綠纔分鬪雉踪
只恐雪晴花便盡一枝紅是一枝空

集

韋莊
黃滔

李商隱
羅鄴

鄭璧
李涉

曹唐
唐球

渡湘中

星漢通宵向水連平沙浩浩四無邊一條雪浪吼巫峽
萬點空濛隔釣船鷄唱未沉函谷月路迷遙指戍人烟
有時水畔看雲立疑是銀河落九天

集

李頻
張泌

白居易
楊凝

高適
元稹

溫庭筠
李白

中秋虎溪有感

紅椒花落桂花開風透鸞聲認嘯臺秋水纔添四五尺

晚涼思飲兩三杯酒醒蘇砌花陰轉人過橋心倒影來
今夜月明何處宿一彈瑤瑟自成哀

集陸暢 胡宿 杜甫 白居易 鄭谷 温庭筠 杜甫 劉滄

又

舞停歌罷鼓連催細絲猶藏畫蠟灰風捲翠微含郡郭
寺臨秋水見樓臺萬重雲樹山頭落一片異香天上來
曾是管絃同醉伴好將顏色泛金杯

集張祐 羅鄴 法振 許渾 白居易 李山甫 趙嘏 李紳

和錢祖叅落葉韵

莫因風起便孤飛翫處臨樽却掩扉溪渡夜隨明月入
鄉關朝望白雲歸酒醒孤館秋簾卷烟隔上陽宮樹微

今日始知風土異有情應濕謝莊衣

集吳融 元稹 蘇廣文 許渾 羅鄴 劉滄 李嘉祐 李商隱

又

落日千山空鳥飛便將樵叟對閒扉風當闔闔庭初靜
月隱青林人未歸疎葉暗棲寒露重鐘聲潛入遠烟微
愁看地色連空色碎似花光散滿衣

集韓翃 周賀 殷文圭 清江 李頻 劉滄 司空圖 韓琮

芙蓉江有懷用韻寄鄭墨林兼柬黃山書

綠槐垂穗乳烏飛家在寒塘獨掩扉燈照水螢千點滅
路穿青草一僧歸因尋野渡逢漁舍却聽疎鐘憶翠微
君整輪蹄名未了故人空有淚沾衣

集司空圖 李嘉祐 許渾 劉滄
韋莊 趙嘏 陸龜蒙 白居易

冬夜宿范子正園亭見四季木樨

簾光浮動水晶懸尚有心情聽管絃秋草不生三徑處
異花常占四時天座中醉客延醒客鏡裏今年老去年
欲就欄邊安枕席使無煩惱見青蓮

集陳標 白居易 劉長卿 沈傳師
李商隱 郭郎 薛能 李紳

京口送張長生

宿雨初收草木濃誰堪回首夕陽中寒生晚寺波搖壁
月落孤城角嘯風所喜故人猶會面自憐羈客尚飄蓬
幾時更踏門前路馬足車輪在處通

集李涉 張泌 趙嘏 許棠
羅隱 溫庭筠 張籍 薛逢

客邸書懷

姑蘇南望思徘徊龍劔難分別緒開曉在眼前長不見
心從到處即成灰西州城外花千樹灞水橋邊酒一杯
應恨客程歸未得暮潮空送渡船迴

集劉滄 劉兼 杜牧 韓偓
溫庭筠 曹唐 李郢 白居易

方雨若歸隱蕉園即席敬酬

曾向長生說息機杳然便覺世情非惟將遲暮供多病
不用登臨怨落暉笑看潭魚吹水沫坐牽蘿蔓掛朝衣
狂歌好愛陶彭澤尊酒留歡醉始歸

集李白 權德輿 杜甫 杜牧
曹唐 白居易 韓翃 羅隱

謁

秦山遙望隴山雲泣玉三年一見君幸以薄才當客次
獨悲孤雀在人羣沉憂萬種與千種笑樂三分校一分
不將不侯何計是聊持寶劍動星文

集岑參許渾何元上皇甫曾
高駢白居易羅隱王維

秋夜寄林玉侯

秋景千尋繞洞泉鏡光猶掛玉樓前綠藤陰下鋪歌席
凝碧池頭奏管絃江客不堪頻北望孤雲何事在南燕
分明未得同君賞紅歇香消一十年

集張說許渾白居易皮日休王維
皇甫冉劉兼

敬上人山房望費馭遠使君不至

滿地涼風滿地苔高僧居處似天台窓臨香靄雲千嶂

閣入高秋戶半開繁艷向人啼宿露烟花隨處作愁媒
却嫌今日登山俗爭奈淵明醉不來

集韓偓劉滄齊己賈島
李紳李咸用司空圖陸龜蒙

雪夜光福探梅山樓寄懷秦中吉叔

長與韶光暗有期眼穿惟怕客來遲一樓春雪和塵落
萬里秦城帶酒思華屋坐來能幾日故山歸去是何時
今朝各自看花處不語還應彼此知

集秦韜玉李建勳崔珣耿湓
劉禹錫白居易呂溫薛能

秋暮送余奏公東歸

偶思前事立殘暉愁聽寒螿淚濕衣晝夢却因惆悵得
時危又遇賞心違楓汀尚憶逢人別烟水何曾息世機

况是故園搖落夜，可堪斜日送君歸。

集李中 張仲素 張泌 韓偓

江城醉後偕李十二叅軍宏步月

共君一醉一陶然，坐聽微鐘憶昔年。半雨半風終日恨，三更三點萬家眠。石窓湖水搖寒月，珠樹瓊枝近碧天。幸接野居宜屣步，此心還憶舊林泉。

集白居易 韋應物 羅隱 李商隱

春暮經別墅

地底真成有劫灰，愁襟未信酒能開。烟添柳色看猶淺，袖拂楊花去又來。郢客豈能陪下里，侯門未必用非才。舊交已變新知少，却請行人勸一杯。

集聶夷中 羅鄴 戴叔倫 韓偓

避雨趙處士凝翠竹軒，遇嶺南羅道士。

又是蕭蕭暮雨零，正堪吟坐掩柴扃。翠筠不染湘娥淚，珠履頻窺處士星。汴水波瀾喧鼓角，嶺南封管送圖經。一名所繫無窮事，忽伴中仙劔解形。

集孫氏 章碣 王獻 羅隱

滑臺寄懷陳定庵

握手相看共黯然，征途行色慘風烟。錦書雁斷應難寄，旅館燈寒獨不眠。浪引浮槎依北岸，野多空地本南燕。身名未立猶辛苦，終日關山在馬前。

集徐堅 白居易 劉兼 高適

僧應物 薛能 伍喬 劉滄

江樓有感寄輓李湘蘭

好上高樓望一迴舊交心為絕絃哀人從北固山邊去
樹遶漳河地裏來漁唱亂沿汀露合鳥飛殘照水烟開
此中剩寄相思淚哭向平生歌舞臺

集

白居易薛逢

崔劉滄

王雍

朱長文陶

李

遠喬

春暮同胡山人宿悟石山房

虎溪圓月照空山臺榭參差積翠間日日青松成古木
年年楊柳變春灣長堤未見風飄絮溪戶仍將水共閒
幸與野人俱散誕來遊此地不知還

集

李顧

中雲

薛趙

逢

皇甫冉陸龜蒙

姜

皎甫

其二

野寺尋春春已遲一年春盡送春時溪邊物色宜圖畫
岸上花根總到垂惆悵路岐真此處愛尋雲水擬何之
徘徊盡日難成別月下僧留宿劔池

集

李李

涉紳

杜黃

牧

張吳

泌融

韓

偓居易

其三

朝看飛鳥暮飛還因想興亡自慘顏隄月橋燈好晴景
竹岡藤樹小躋攀已尋嵐壁臨空盡誓共烟霞到老閒
今日山公舊賓主塵中來是出人間

集

李齊

順已

羅冷

鄴然

鄭谷劉禹錫

唐

彥謙李昭象

芙蓉江同韓士季夜望

相將遊戲繞池臺遠水長穿綠樹來帆帶夕陽千里沒

月當銀漢四山開不因車馬時時到豈逐秋風一一迴
始欲共君重悵望暮烟晴態恨成堆

集

孟浩然
白居易

趙

嘏

劉長卿
李咸用

劉
李山甫

征途

滿眼蓬生古戰場蓬根吹斷雁南翔溪邊殘壘空雲水
籬外寒臯帶夕陽萬里悲秋常作客十年多難未還鄉
行行獨止干戈域不是愁人亦斷腸

集

盧綸
杜甫

盧弼
殷文圭

劉滄
崔塗

皇甫冉
戴叔倫

送友歸閩中

役盡江淹別後魂晚虹斜日塞天昏落星樓上催殘角
白帝城西過雨痕塵裏年光何急急馬前紅葉正紛紛

何當歸去重携手越水吳山共爾論

集

趙光遠
李中

雍陶
錢翊

韋莊
譚用之

杜甫
李嘉祐

代征人作

西風渺渺月連天紫塞黃雲共渺然征馬獨思青海上
夢魂纔別戍樓邊一身轉戰三千里萬死投荒十二年
長繫寸心歸未得遙將紅淚洒窮泉

集

許渾
王維

楊凝
柳宗元

郭知運
黃滔

韋莊
劉禹錫

李宏參軍從征歸書贈

陳琳書記本翩翩為許從戎赴朔邊旌節影前橫竹馬
信旗風裏說詩篇身閒始覺隳名是道在寧憂雨露偏
一事與君消遠宦南家飲酒北家眠

集錢起杜審言趙嘏張翥
皎然許渾皮日休白居易

祝鄭墨林四十

青郊迎氣肇初陽春思于今未可量已慶時來千億壽
更教何處貢篇章宮梅間雪祥光編謝宇開筵逸興長
聖代卽今多雨露期君幾歲作臺郎

集馬懷素獨狐及李又鄭谷
閻朝隱武瓘高適李頎

其二

盛名天下挹餘芳年紀蹉跎四十強九陌爭馳好鞍馬
一尊曾不顧金囊坐牽蕉葉題詩句憶遶花枝助酒狂
今日見君佳遯處風流誰繼漢田郎

集皇甫冉岑參元稹盧綸
方干令狐楚薛逢錢起

其三

已分甜雪飲紅漿不是高人不合嘗懶說歲年齊絳老
知親筆硯事文章郎君下筆驚鸚鵡帝子吹簫引鳳凰
天地氣和融霽色翩翩來伴慶雲翔

集司空曙皮日休李端令狐楚
李商隱白居易李山甫張說

征閨

菱鏡鸞孤貌可憐不堪行坐數流年雲橫新塞遮秦水
雁渡寒江擬雪天琴倚舊窓塵漠漠漏殘香爇淚漣漣
一生幾許傷心事風動羅幃照獨眠

集劉兼李紳鄭谷賈島
許渾羅隱王維權德輿

秋暮同金仲發經館娃宮舊址聞歌

數片紅霞映夕陽
鬢髯秋景兩蒼蒼
青山盡日尋黃卷
丹粉經年染石床
巢鳥夜驚離島樹
水聲低咽轉宮牆
與君醉入松溪路
何處漁歌似故鄉

集崔魯曇 方干 李建勳 王昌齡 許渾 皮日休

京口送友還關東

日晚笳聲咽戍樓
可憐同聽不知愁
鄉心一片懸秋碧
夜思千重戀舊游
路遶寒山人獨去
馬嘶芳草自淹留
君今獨在征東府
莫慮功名不拜侯

集郭知運 韓愈 陳陶 戴叔倫 盧綸 羊士諤 張籍 章孝標

同人聯騎送周道士石屏還白沙

羽服星冠道意存
榮枯安敢問乾坤
數州城郭藏寒寺

一半山川帶雨痕
更擬結茅臨水次
應須騎馬到沙村
回瞻四面如看畫
絕壁相欹是洞門

集戴叔倫 王維 李遠 雍陶 陸龜蒙 楊巨源 韋應物 章碣

江干送友還鐘陵

百川無浪到滄溟
毫末應傳顧兔靈
天際雪埋千片石
山根霜共一潭星
孤帆已過滕王閣
垂釣空思杜若汀
明日更期來此醉
醉中高詠有誰聽

集趙嘏 柳宗元 齊己 韓偓 許渾 李中 司空圖 張籍

秋眺

極浦蒼蒼遠樹微
寒源隔水到人稀
灞陵道上重回首
抵鵲山前寄掩扉
不擬爲身謀舊業
只應知我已忘機

無因得似滄浪叟一下漁舟便不歸

集 劉長卿 賀 蘇廣文 陳 陶 溫庭筠

春仲同人集西園寄懷電長舍弟

東風時節恨離羣遠隔天涯共此身野雀不歸應有怨
杜鵑啼苦夜無人風林月動疑留魄滄海波深尚作塵
忍把一尊重命樂醉醒何處各沾巾

集 吳商浩 李商隱 吳 融 黃 滔

哭郡司馬于公舜鄰

鄉心迢遞宦心微心了方知世事非未報恩波知死所
將因臥病解朝衣漆園化蝶名空在蒼野迷雲黯不歸
更有一條遺恨事薊門雲樹遠依依

集 許 渾 貫 休 韓 愈 李 愔

其二 公諱階順天大興人也以中翰佐守姑蘇甫及一年民安盜息詎意開濬劉河鞠躬盡瘁熙朝名宦無愧於公

始辭秘閣吏王畿去歲離家今歲歸愁態自隨風燭滅
離魂潛逐杜鵑飛墳穿大澤埋金劍火入荒原化寶衣
今日一杯難強進焚香願見陸探微

集 白居易 方 干 李 紳 韋 莊

甘露寺同盧隱士夜話

風物淒淒宿雨收一宵玄論接浮丘天香月色同僧室
楓葉蘆花並客舟縱酒欲謀長夜醉放歌曾作昔年遊
今來却笑臨邛客誰是言休即便休

集 李 端 李 中 劉長卿 許 渾

醉別故鄉友人

南去應無水北流欲為東下更西遊峰懸驛路殘雲斷
鷺起湖田片雨秋破夢曉鐘聞竹寺望鄉孤客倚高樓
今朝醉舞同君樂明日辭君步步愁

集

陶陶

李商隱

賈

島

朱慶餘

重九白下同人登雨花臺有感

六朝如夢鳥空啼澗水東流復向西武帝祠前雲欲散
胡公陂上日初低多情草色怨還綠誰能不逐當年樂
霽景重陽上北樓凌晨客淚分東郭何異飄飄托此身
浮光牽入世間塵空林欲訪龐居士玄解猶嫌竺道人
獨為高懷誰和繼權門要路知無味一生襟抱未曾開

今日登臨無限意

集

僧無悶

李華

崔

顯

岑參

富陽贈吳鍊師微一

骨清維去嗽流泉雲起爐峯一炷烟門掩竹齋微有月
雨零溪樹忽無蟬誰能惆悵磻溪事棲遲慣得滄浪思
曾共持鈎擲歲華本來薄俗輕文字松氣如秋枕簟涼
院閑人去掩斜陽只應霜月明君意却是猿聲斷客腸
莫倚禪功放心易羨君獨得逃名趣無人微解悟空花
欲結茅庵共師住

集

朱慶餘

來

鵬

許

渾

李

鄂

黃滔

劉滄

章

碣

司空圖

圖

圖

何元上 周賀 房千里 張祐
皎然 胡曾 貫休 虔默

女史李湘蘭自西園一別過梁谿已四載矣客

冬聞逝集此寄輓

憶昔相逢落葉前蜀琴初上七絲絃一聲占盡秋江月
萬里同悲鴻雁天顧盼何曾因誤曲能令仲容聽不足
樓上華筵日日開古堤春草年年綠况此哀吟意不勝
先期零落更愁人穠華未肯人間住辜負穠華過此身
試問酒旗歌板地暫時會合終離異清晨猶為到西園
側有浮雲無所寄

集

李羣玉 李郢 劉禹錫 盧照鄰
楊巨源 李台 趙嘏 李涉
唐彦謙 李商隱 薛逢 羅隱
李賀 張籍 韓偓 王昌齡

江南五方襍處傍海濱湖兼之承平日久武備廢
弛一聞警息半壁惶惶魚潰鳥飛幾成禍亂幸

撫軍慕大中丞早淡杞慮未雨綢繆綏理得宜兵民

安堵九天湛露萬姓均沾報德無由知恩有自謹

集唐句用祝洪休

佇聞談笑靜黎甿時運還應却太平草木盡能酬雨露
後先寧異感生成星辰列位祥光滿靜色當天鬼魅驚
今日朝廷須汲黯諸侯不復更長征

集

錢起 韋莊 王維 唐思言
權德輿 秦韜玉 杜甫 楊巨源

其二

鋒銳森然氣槩多遠方戎壘盡投戈霜威未落江潭草

玉殿猶分下苑波，恩威風雷宜變化。語回天地到陽和，遙知布惠蘇民後。始覺殷王解網羅。

集白居易 崔鉉 盧僎 李商隱
蒯希逸 楊巨源 劉三復 王維

其三

貔貅鴛鴦儼相連，朝望行塵喜控弦。半捲紅旗臨易水，八分龍節掌兵權。扶持自是神功力，入用還推間氣賢。惟報關東諸將相，江南寒色未曾偏。

集楊巨源 楊凝 李賀 薛逢
杜甫 苑咸 王鐸 皮日休

其四

中原無鹿海無波，聖澤曾隨筆下多。絳簡尚叅黃紙案，玉書誰授紫微歌。雷聲忽送千峰雨，瑞歲遙清九折

河共喜拜恩侵夜出，廟堂不肯用干戈。

集吳融 許渾 李商隱 張翥
杜甫 崔鉉 張籍 韓愈

其五

雁翼營通海月明，軍機朝暮促前程。孤城背嶺寒吹角，微雨過山夜洗兵。玉匣鎖龍鱗甲冷，天臺封詔紫泥馨。昔年埏埴生靈地，欲感人心致太平。

集賀朝清 薛逢 劉長卿 法振
施肩吾 胡浩 周繇 白居易

其六

欲振新封濟盛名，弓刀千隊鐵衣鳴。陣雲不散魚龍水，氣色高含細柳營。見說聖君能仄席，須知天下已昇平。今來帥領紅旗下，動地三軍唱好聲。

百名家集卷之三

集王昭範 崔塗 賈至 胡浩 吳融

御獵

虎踞龍盤氣槩全 旌旗遙拂雁行偏 山河杳映春雲外 北斗平臨御展前 玉帛不朝金闕路 風流合在紫微天 宸遊對此歡無極 願奉宸遊億萬年

集雍錢 陶起 司空曙 白居易 武元衡 蘇頲 岑憲

親王四路出師

廟略當時討不庭 權衡分處且無情 青潭曉露籠仙蹕 翠蓋紅旗列禁營 九陌塵埃千騎合 兩河戰罷萬方清 已知聖澤深無限 玉壘韶光待賊平

集趙緜 高遵聖 徐彥伯 薛逢 楊巨源 李橙 楚宗客 王鐸

大將軍撫定三秦 逆藩授首道路旣寧 太平可待 敬集誌喜

煙塵萬里寶刀新 瓊殿含光映早輪 七載秉鈞調四序 百蠻降服奏三秦 金河未轉青絲騎 烏嶺全坑跋扈臣 洗却甲兵今不用 酣歌一曲太平人

集武元衡 鄭愔 唐宣宗 薛能 賀朝清 李德裕 杜甫 宋之問

其二

羽騎森森西向秦 千官齊出拜行塵 馬盤曠野絃開月 草戀征車碧遶輪 大道不將爐冶去 邦家已荷聖謨 新此時共想 朝天路 王氣週迴入 紫宸

集張九齡 張籍 楊巨源 殷文圭 韋莊 許景先 姚合 宋之問

其三

擒充戮竇四海平
膽氣堂堂合用兵
七德龍韜開武帳
三邊曙色動寒旌
西山月出聞鳴鏑
原上軍回識舊營
自是功高閒劔履
重來麟閣畫丹青

集白居易 韋莊 駱賓王 祖詠
李昂 楊巨源 劉滄 賀朝清

有感

初從少小在邊城
百戰空垂異代名
覽鏡已知身漸老
同征肯恨迹如萍
魚遊沸鼎知無日
才被槌埋媿有聲
聞道國人思再入
論功還欲請長纓

集耿湣 韓偓 秦系 黃滔
李商隱 崔塗 崔櫓 祖詠

庚申春仲策蹇婁東病
畱四十餘日延至清和

既望始有起色
夜坐小樓挑燈
脅息忽聞歌吹
聲啼飢聲擊柝
聲直與風聲雨
聲雷聲交錯耳
根嘈雜一時捉
縛不定又生出
歡喜心嗟嘆心
揣摩心正在心
神恍惚之際
驀見黑霧迷空
洪濤橫注排山
倒峽勢同萬馬
奔騰鄉市居停
悉歸海若高低
禾稼咸付波臣
整整星房難展
陳蕃一榻重重
天變誰陳謝絳
長篇欲賦未能
尋章無學勉集
唐句用紀凶荒

出門鷗鳥便相親
欲發羸蹄進退頻
流水不回休嘆息
青山常在屬何人
四溟水合疑無地
二月山寒少有春
同是吾君憂稼穡
空心弔影向誰陳

集柳宗元 黃滔 齊己 靈澈
唐蔣彥謙 白居易 樂天 陳陶

病後經荒宿芙蓉江廢館書懷

臨江舊宅指遺基今日行看到却悲惆悵近來消瘦盡
可堪忙過少年時心關桂玉天難曉家學樵漁跡更奇
世上無窮嶮巖事如今貧病復何為

集吳融 王播 張祜 羅隱
薛逢 韓偓 秦韜 王耿 津

其二

萬方多難此登臨盛世誰能便陸沉活計本無桑柘潤
歸鞭惟拍馬羈吟三秋木落半年客一夜月明千里心
可道眼前光景惡當時只記入山深

集杜甫 羅隱 尚顏 司空圖
薛能 許渾 白居易 王維

頌丁大藩臺

德星池館在江東紫綬青衿感激同不惜流膏助仙鼎
好將餘潤變魚龍金泥照耀傳中旨玉佩成行引上
公欲識普恩無遠近詠歌聲裏樂樵童

集譚用之 劉耕 張說 溫庭筠
薛逢 皇甫曾 陶臣 趙嘏

二

道似春神衛九重兩藩茅土漢儀同風雲暗發談諧外
竹帛新添國史中轉日回天不相讓赤墀高閣自從容
垂陰敢慕甘棠葉利鈍精粗共在鎔

集閻朝隱 羅隱 曹唐 張籍
盧照鄰 溫庭筠 李紳 白居易

三

帝令重開舊閣崇三年恩德仰維嵩鏘金鳴玉王侯盛
浴日餘波 錫詔同憲府觸邪義豸角上賢綏緝副
宸衷已知奏課當徵拜玉刻麒麟腰帶紅

集王建 劉耕 駱賓王 蔡希周
白居易 趙嘏 韓愈 李賀

連持使節歷端城看取從容致太平共荷發生同雨露
幾崇浮俗贊文明素沙見底清無色泉水侵堦乍有聲
萬井九衢皆仰望唯將報德是經營

集白居易 曹唐 皇甫曾 唐思言
李紳 武元衡 韋應物 樊元龍

重德由來為國生三年五度換雙旌即知內詔過先輩

應傍琴臺聞政聲名按 天庭多喜色恩深 闕下遂
高情冰綃寫上江南景拂拭朝簪待眼明

集石貫 王建 張籍 岑參
張說 白居易 殷文圭 譚用之

頌松江魯郡侯

西墉通晚會公卿聞道松江水最清休氣榮光恒不散
素絲琴瑟自偕聲雲間樹色應難染海上青山久廢耕
有蘊赤心分雨露江南花向 殿前生

集蘇頌 白居易 裴灌 李紳
唐 劉滄 王無黨 包何

二

數日臨民政已成古今應只有先生遙知清淨中和化
難繼鸞鳳上漢聲雨洗亭臯千畝綠劒橫天外八風清

長洲草接松江岸身賤多慚問姓名

集

張說

姚鵠

白居易

李潛

海逆為患其來久矣非但邊民受其屠戮即順

治已亥輒敢突入內地江淮一帶所捐尤多

今聞徹底蕩平皆

撫軍吳大司馬獨奏之全功也稱羨不足頌

之以詩

昔聞九伐有餘名此賊一除天下寧已變畏途成雅俗

不將富貴礙高情歌傳上客蘭堂暮山擁飛雲海水清

始信大威能映照會教山海一時平

集

薛曜

曹奩

薛

白居易

二

一道驚波撼郡城亂離何處不傷情新成劔戟皆農器

舊日漁家盡野營雙旆影搖山雨霽魚麗陣接塞雲平

知君濟世有長策百代功勳一日成

集

趙干

盧綸

李山甫

鄭谷

三

都堂那肯滯關營難處長先自請行直為甘心從苦節

化成同軌感昇平中天氣爽星河近寶座塵消硯水清

更把一麾江海去隨車甘雨路人迎

集

丘上卿

王廷

賀朝清

白居易

昭武將軍蕩平閩海奉旨頒師紀勝二律

昨聞戰罷圖麟閣已見氛清細柳營鞀鼓喧喧動危谷
海風葉葉駕霓旌龍韜不用陳三略虎帳長開自教兵
今日江南駐舟處獨令豪士仰威名

集劉長卿 賀朝清 胡浩 曹唐
楊巨源 王 建 武元衡 盧 綸

二

太白秋高助後兵為君一顧烟塵清泰山不要欺毫末
水國由來稱道情已建玄戈收相土預歡浴日照京城
書功筆秃三千管四海如今始太平

集王建 皎然 白居易 殷文圭
杜甫 張 說 杜 牧 顧 况

恭和 御製麗日和風被萬方句

豈知理草正芬芳來比春華壽 聖王曉艷遠分金掌

露寒風猶帶 御衣香旗亭百隊開新市樹影千重對
舞行 膚賞歡承天保定九洲拭目瞻清光

集羅 勣 李 義 韓 琮 郭茂倩
王 勃 馬懷素 張 說 李 白

天府由來百二強堂堂之慶垂無疆烟塵永息三秋戍
玉醴還分 萬壽觴欲識 宸遊布陽氣恆隨 聖藻
狎年光太平時節身難遇朝野歡娛樂未央

集杜 牧 白居易 崔 鉉 張 說
劉 憲 馬懷素 韓 愈 司馬逸容

應制奉和三律

玉樓金殿曉光中今日 宸遊聖藻雄水遠山高嚴警
蹕天長地久屬年豐林花着雨臙脂濕城柳含烟瑞氣
濃 朝罷須裁五色 詔憑高直下 大清宮

集杜淮南 沈佺期 宋之問 劉禹錫 杜審言

其二

清光常照水晶宮，銀漢星回一道通。既協翠泉光寶命，惟應率土樂薰風。龍旗盡引趨金殿，鳳輦時巡出九重。聖朝千載運捧持，堯日慶雲中。

集薛 譚 王昌齡 姚崇 崔建

其三

紫雲香駕御微風，清蹕鳴鑾出禁中。喜奉宸游歸路遠，偏承霄漢渥恩濃。謬參西掖拈堯酒，遙指南山對袞龍。聖代止戈資廟畧，肯銷金甲事春農。

集沈佺期 盧象昇 薛稷 錢起 馬懷素 王涯 楊巨源 杜甫

皇都春望

千里鶯啼綠映紅，俯窺京室畫圖中。河邊淑氣迎芳艸，琴上薰風入禁松。長樂夢回春寂寂，六街塵起鼓鼙鼙。步檐倚仗看牛斗，天樂遙聞在碧空。

集杜 牧 蘇頌 孫逖 李商隱 胡宿 薛逢 杜甫 王涯

東南雖稱澤國賦，重民貧自三逆變。亂以來措兵調餉，百役蠶起無一不藉于田。兼之水旱頻，仍催科急迫十室已九懸矣。今

聖天子憫此子遺特

簡督撫兩憲親承天語拯救一方下車未幾仁聲遠播霜斧森嚴頓使封豕

收心饒狼遁跡光風霽月舜日堯天一朝復見
既叨覆載卽是帡幪敬集唐句用紀昇平非敢
云頌

昔年內署振雄詞正是酬恩報國時共說 聖朝容直
氣不令窮巷久低眉兼葭曙色蒼蒼遠白雪梅花處處
吹此日逢君非舊日陽春一布網羅除

集

劉禹錫
皇甫冉

王彥威
樂天

楊巨源
韋應物

韓翃
司空曙

二

和鳴雙鳳喜來儀除却江南更是誰先借歌詩端諷刺
再求青律變寒枝兩衙向後長無事萬國同風共一時
此外俗塵都不染有心重築太平基

集

蘇頌

白居易

樂天

天

施肩吾

韋莊

三

于公必有高門慶見罷翻令恨識遲賓館盡開徐孺榻
風流不減杜陵詩尚書舊用裁 天詔 聖主時乘運
斗樞脫下 御衣親賜著滿朝誰不羨瓊枝

集

劉禹錫
柳宗元

盧綸
崔日用

許渾

韓翃

竇叔向

四

君爲宮保及清時萬里清光不可思二紀計懷勞筆硯
一朝驚喜見風儀金爐香動螭頭暗露曉春多鳳舞遲
更乞大賢容小隱年年歲歲樂於斯

集

竇常

白居易

韓偓

劉禹錫

趙彥昭

官詞十二律

更堪砧杵發昭陽旋撲珠簾過粉墻雲髻懶梳愁折鳳
山花欲謝似殘妝玉池露冷芙蓉淺楊柳風多水殿涼
我寄愁心與明月空懸明月待君王

集

盧許

綸渾

李商隱
劉長卿

薛李

達白

劉禹錫
王昌齡

夢殘春色自悠揚晚轉宮樓泣舊妝輦下翠娥須強展
鏡中紅艷豈重芳街歡不覺銀河曉飛蓋遙聞荳蔻香
自恨羅衣掩詩句菖蒲風起水泱泱

集

劉岑

滄義

羅韓

鄴倜

鄭魚

史梳

韋李
建勳

一辭同輦閉昭陽仙漏遲遲出建章雲髻幾迷芳艸色
羅衣猶帶御爐香春歸鳳詔恩波暖曲罷騶虞海樹蒼

汗濕紅妝行漸困會持仙實薦君王

集李山甫 鄭文圭 溫庭筠 劉長卿

豈堪登眺只堪傷風月應知暗斷腸五夜漏聲催曉箭

六街晴色動秋光唯將白髮期公道敢拂朱欄競短長

不信比來長下淚獨眠人起合歡床

集羅隱 薛逢 杜甫 張泌

立班猶未出中行還促朝珂謁未央不覺繁聲論遠意

解將惆悵感君王杯黏紫酒金螺重露濕晴花玉殿香

誰謂含情獨不見數聲鐘鼓自微茫

集鄭用之 李益 沈佺期 韋莊

對鏡那堪重理妝團情團思醉韶光烟垂柳帶纖腰軟

水滴銅龍晝漏長地出東郊迴日御馬隨春仗識天香

歸來困頓眠紅帳萬轉千回懶下床

集李氏 李群玉 張泌 薛逢

安排碁局就清凉壘玉駢珪巧思長心寄碧沉空婉孌

燼飄蘭麝暗和香簾垂粉閣春將盡酒泛金樽月未央

認得聖顏遙望見更闌又換舞衣裳

集李建勳 羅鄴 劉滄 鄭君徽

淑景融融萬卉芳桃夭灼灼有餘光朱城待鳳韶年至

銀燭朝天紫陌長點翠施紅競春日越甌犀夜泛茶香

牢愁有度應如月焰得歌塵下燕梁

集劉兼 蘇頲 李適 賈至

獨把花枝歸洞房，忍寒應欲試梅妝。愁催髮髮凋何易，閑把金釵亦自傷。歌遶夜梁珠錯落，酒沾顏色粉生光。今宵倘降非常願，笑倚東窓白玉牀。

集鮑君徽 李商隱 韓偓 姚鵠 李山甫

夜來翻覺思悠揚，欲撥瑤琴彈鳳凰。門掩紫垣高綺樹，露低紅葉濕螢光。舞鸞鏡匣收殘黛，犀柄金徽亂一牀。長說上皇垂淚教，可憐飛燕倚新妝。

集薛逢 史鳳 李紳 許渾

扈蹕隨鑿涓渚傍，渚邊官樹暗蒼蒼。開冰池內魚初躍，白藕花中水又香。不惜清光讓流月，更聞寒雨勸飛觴。知君未轉秦關騎，且放歡情入醉鄉。

唐詩

